

說部叢書

初集

第五十四編

天方夜譚

述異小說

(第四冊)

上海商務印書館發行

商 務 印 書 館 出 版

衛 生 家 庭 必 備
新 療 治 書

洋 裝 布 面 金 字 定 價 大 洋 一 元

社會文化日進。衛生尤爲重要。況近來傳染病發生愈多。凡家庭防病治病之方法。宜人人略知大意。庶不至倉卒誤事。本館特編是書。搜集東西名著。門分類別。區爲衛生治療二篇。以備家庭普通衛生及應急時檢查之用。凡欲享家屬康健之幸福者。不可不各置一編也。

天方夜譚目次

第一冊

緣起

雞談

棗核彈

鹿妻

犬兄

記漁父

記寶本

頭顱語

四色魚

淚宮記

二黑犬

生墳記

樵遇

說石

金門馬

麥及教人化石

蛇仙杯水記

談瀛記

蘋果釀命記

第二冊

橐駝

斷臂記

截指記

訟環記

折足記

雍匠言

雍匠述弟事一

雍匠述弟事二

雍匠述弟事三

雍匠述弟事四

雍匠述弟事五

雍匠述弟事六

龍穴合窆記

荒塔仙術記

墨繼城大會記

第三冊

波斯女

海陸締婚記

報德記

魔媒記

殺妖記

非夢記

第四冊

神鐙記

加利弗挨力斯怯得軼事

盲者記

記虐馬事

致富術

記瑪奇亞那殺盜事

橄欖案

異馬記

求珍記

能言鳥

天方夜譚

神燈記

支那都極東。最富饒。有縫人默世德法者。家於都。素貧窶。所入不能周妻子。子曰愛拉亭。愚頑不受教。日遊衢市。與羣兒戲。稍長。默世德法攜之入肆。習其業。而性情且拗。不任勞。恆曠日以嬉。雖嚴督之不顧也。默世德法忿而成疾。旋卒。其母知愛拉亭不能繼父業也。撤其肆。自紡績以爲生。

積久。愛拉亭頑如故。屢戒勿悛。且恫喝其母。使不得過問。歲十五。無所著見。亦不問坐計。一日嬉於市。遇一人見愛拉亭。若素識者。熟視之良久。是人爲斐洲產。習魔術。有神巫之稱。跋涉來。冀有所得。其識愛拉亭也。或有相人術。故察貌。知足以遂己謀。或竟有他故。不可測。彼蓋先刺得愛拉亭之家世。及性質嗜好。至是乃迎謂之曰。汝父弗繼父世德法手。曰。然。不幸歿矣。

神巫則以兩臂持愛拉亭。與行接吻禮。淚潛然下。歎惋不置。愛拉亭怪之。問故。神巫

曰。予汝叔父也。予與汝父爲兄弟行。予出遊久。今歸視汝父。不幸逝世。烏能無悲。汝父之音容笑貌。歷歷在予目。予見汝容與之酷肖。故相詰。不圖果我兄子也。復詢母所在。愛拉亭告之。神巫出金錢與之。曰。歸奉汝母。翌日常至汝所。汝父雖逝。然予願一覩舊廬也。

神巫既去。愛拉亭歸詢其母。曰。予有叔父否。母曰。汝父無昆弟。予亦如之。故汝無伯叔。并無舅氏。愛拉亭曰。適邂逅一人。訊予父於予。告以歿。彼流涕悲歎。謂爲予叔父行。并贈予以金。且命予致意母。當以翌日訪舊居。言次。出金錢以示母。曰。汝父昔有一弟。久物故。此外未之聞。語畢。卽亦置之。

翌日。愛拉亭出嬉。又與神巫遇。持之如前。畀以金錢。二曰。歸遺汝母。可治具晚。予卽至。復詢居處甚詳。備語之。始去。愛拉亭以金歸告母。如神巫言。母以金購物。復貸食器於鄰。紛紜終日。薄暮始備。又命愛拉亭逆諸途。以爲導。愛拉亭好懶。不欲去。俄聞剝啄聲。啓門。則神巫以酒果至矣。授愛拉亭使列諸案。卽與其母相見。又請以默世。

德法常臥起之榻相示。神巫卽榻前伏地哭。淋漓不已。搥膺而呼曰。兄乎。予竟與汝成永別乎。延之坐。不顧曰。予於兄雖不能繼見。不得不縱覽其遺物以寄予懷。於是不復強聽其周囑室中。

神巫旣入坐。卽與愛拉亭之母觀縷往事。謂已於四十年前。別其兄出而游歷。經印度波斯亞拉伯敘利亞諸都會。最後至阿斐利加。居頗久。然而倦懷故國。未嘗一日忘。每念及兄弟睽離。馳思惘惘。不能自己。歲月不待。遂決計歸來。長途跋涉。備歷艱險。時以思兄切。未以爲苦。今不幸兄長逝。使予願永不能償。途次遇姪。初不相識。見酷肖兄貌。異而詢之。果兄嗣也。痛兄謝世。幸此兒長大。冀得承家。不可謂非上帝之賜也。嫂歸吾家時。予已出游。故不得見。得無訝予突如其來耶。

神巫語及默世德法。愛拉亭之母觸念哀悼。神巫願謂愛拉亭曰。姪何名。告之。神巫曰。習業否。愛拉亭俯首刮席。作不能語。其母曰。此兒情不事事。父在時。殫精慮教。以諸藝奈彼。日從羣兒遨嬉。戲無度。棄置不欲習。父沒益無忌。予雖力戒勸之。而愛拉

亭藐不聽。獨不思齒已長。非兒時比。今叔來。倘彼亦不受教。痛自悛改。則予之希望。將從此絕。家無遺產。可恃朝夕。僅仰予紡績。其何能支。似此冥頑子。亦惟有逐之去。使自謀生計耳。言次。愀然而泣。

神巫曰。愛拉亭。視汝尙非蠢蠢者。何好游惰若是。自此當自立謀餬口。勿再累汝母。治生之道不一。汝可自擇。昔汝之不悅學。或以汝父之業。非汝所樂爲。得毋欲擇較優者而從事。其直言無隱。予必有以助汝。愛拉亭仍默然。神巫曰。汝意似薄學藝。殆欲就上等商業耶。若然。志亦可嘉。將爲汝設一肆。臚陳各物。汝主售之。而以所入爲周轉。將日益充擴。汝倘有意。予當爲爾謀。愛拉亭聞之。私心竊喜。平日往往見巨賈人。衣鮮衣。策怒馬。馳驟衢路。間觀者嘖嘖稱羨。倘予業商。能炫耀若是。意且得甚。卽謂神巫曰。願爲商。惟玉成是望。感激何似。神巫曰。汝旣願。明日當爲汝購新衣爲觀美。使汝儀度若巨商。然後再謀設肆。

愛拉亭之母。見神巫許爲其子謀生計。益信不疑。且囑愛拉亭自檢飾。勿負汝叔父

提挈盛意。卽列饌延神巫食。食時復申論前事。夜分始去。翌晨。紳巫復至。攜愛拉亭入衣肆。使出衣之。至優者。命遴所愛。愛拉亭狂喜。無措。僅擇其一。神巫爲購衫。若袴及他飾物。雖價至昂。不顧惟精美。是求復爲盡付其值而返。

愛拉亭益喜幸。神巫復引之。歷游巨肆。曰。他日汝多設肆。作富商。正當與若曹相還往。又導之游蘇丹行宮。及呂中諸名勝。然後偕歸逆旅。使見諸旅客。薄暮。愛拉亭興辭。復送之至家。母見愛拉亭。盡易其上下服。麗都無匹。喜心翻倒。稱謝不去。口且謂叨厚賜。何以爲報。惟是兒頑鈍。恐習於故態。致負厚意。深爲慮耳。神巫曰。孺子尙可教。能受予言。當可成立。不負所望。惜明日爲星期五。肆中人均休沐。出游。賃肆購貨諸事。須遲一日。料量之。明日當偕愛拉亭作郊外游。邑之紳佩及諸知名士。皆眺覽於此。是子昔雖與羣兒伍。茲旣當自立。正宜廣交遊。通聲氣。愛拉亭聞而大喜。自顧足跡從未至郊外。茲可一擴眼界矣。

愛拉亭晨興櫛沐。俟神巫至而出游。度刻如歲。俟久不來。則不勝焦迫。足蹠蹠戶外。

無停趾。延頸以望。日不他瞬。俄神巫于于來。亟趨入白母闔戶出。神巫容藹然。執愛拉亭手曰。今日當挈汝。歷游佳境。卽相與出郭。遍游別墅。神巫蓋有欲至之所。故特引愛拉亭遠游以達之。旣至一行宮。中有園。園有池。池水澄碧。有銅獅吐水入池。涓涓不止。神巫有倦狀。謂愛拉亭曰。久步良勞。頓景至佳。盍少憩。遂就池畔坐。出果餌使同食。食畢復行。旣而地漸曠寂。峯巒迎面出。幽無人迹。愛拉亭素不習長行。疲甚却步曰。叔何往。距前休憩所已甚遠。遠望。嗟峨。無可觀賞。倘再進。予恐疲不能歸矣。神巫曰。勉之前途尙有廣園。珍奇畢萃。遠逾所見。當導汝一游。若意餒而返。則坐失巨觀。可惜。孰甚。愛拉亭不得已。從之再進。神巫復歷述奇異事。使聽而忘勞。後至一谷。谷至狹。左右二峰壁峙。峻若劍削。神巫曰。我曹可不再進矣。今予以殊珍相示。汝見所未見。當感予不置。而笑他人無此眼福也。亟爲予取薪聚之。愛拉亭從其言。神巫卽以火燃薪。旣熾。出異香投火中。口喃喃。須臾地大震。闢一穴。穴有石。方尺有半。石有環。以銅爲之。若備起石用者。

愛拉亭懼。思遁。神巫怒。扶之仆。血出。幾折齒。泣而起。謂神巫曰。叔何扶我。曰。予爲汝叔。卽與汝父等。汝烏得拂我意。復溫語之曰。石下有寶藏。天以錫汝。得之當爲富者之巨擘。且惟汝一人得取之。然茲事係至大。汝必一一從我言。否則禍立至。愛拉亭戰栗請示。神巫曰。汝先執環起石。曰。力弱不能舉。奈何。叔盍假一臂。神巫曰。汝呼乃祖。乃父名。石當立起。愛拉亭從之。果起。

石旣起。見一穴深三四尺許。神巫曰。入此。循石梯下。梯盡有門。入則有巨室三。第一室中列銅瓶四。各滿貯金。慎毋取。入室時常束汝服。勿使觸垣。觸則立斃。至第二室有廣囿。林木叢雜。嘉實纍纍。一壇隆然峙。階其前。級凡五十。壇有竈。竈有燈。一火熒然見。汝亟滅其火。棄其苾。傾其油。置燈於懷。出以與我。勿以污衣爲慮。蓋所貯油。傾去卽無涓滴。非常油比。果實之可愛者。任取之言畢。脫指環與之。曰。此環能禦邪。當謹佩。事成。則同作素封矣。

愛拉亭一躍入穴。凡門若室若囿若壇。一一如神巫言。乃就竈取燈懷諸胸。將出。忽

憶果實當摘取。趨視之。非真果。皆奇珍綴枝上。若諸種果。而狀特異。且鉅。五色燦爛。纍纍若貫。赤爲紅寶石。白爲珠。綠爲翠。藍爲璧。紫爲玉。瑩潔而明。爲鑽石。愛拉亭乍見不能識。以爲玻璃製也。取納衣囊中。囊溢則貯以皮囊。束諸腰。欲出。愛不能釋。視胸前。雖置鏡。隆起尙足。容物復摘。實若干懷之。恐神巫不耐久待。卽趨至穴口。大呼援手。神巫曰。鐙何在。盍先畀予。則不難出。穴。愛拉亭曰。先出而後畀。未晚也。神巫不從。

愛拉亭以燈爲果實所壓。倉猝不能取。惟大呼。欲亟引出。神巫難之。相持不下。巫怒。復爇香誦咒。砉然一聲。石復合。而愛拉亭長埋地下矣。

蓋神巫先以術測知世界內有神燈一得之可立致巨富。後復測知在支那某所。且知欲得此燈。必假手於人。乃覓諸市。適見愛拉亭。度必游惰無業。且齒稚。易受給。故導之往。擬旣得燈。則閉不令復出。懼洩其事也。計亦至狡毒矣。詎愛拉亭必欲先出。斬所得之燈。不卽與。乃大失望。恚而呪閉之。石旣闔。忽憶指環未索。回彼且得藉以。

護其生命。不得燈。且失環。悔復何及。憤然逕去。卽日歸斐洲。

愛拉亭居石穴中。不得出。悲泣無所爲計。至三日。自分必死矣。偶觸巫所給之環。聲鏘然發。一魔自地出。體修巨。首及穴頂。曰。汝何求。得是環者。我爲其奴。今環屬君。君卽奴我。愛拉亭曰。汝有靈。出我於穴。言次。失魔所在。視所處地。乃前日神巫焚香誦咒處也。

愛拉亭得出。大喜。循途歸。特三日不食。憊甚。抵家卽暈。母自愛拉亭出不返。疑懼。噉泣。比見其歸而僵。又大痛。竭救始蘇。愛拉亭飢極呼食。母持食至。謂之曰。汝腹久枵。驟食必病。宜徐徐少進。當早憩息。所遭可緩述也。愛拉亭從之。先取所採之果實。出。精光四射。洞燭一室。不問而知爲珍異。惟母微賤。少所見。不能名其寶。悉置榻後。愛拉亭復出燈於懷。具言其事。母若子則交訴神巫不已。

翌晨。愛拉亭求朝餐於母。以食盡告。命緩須臾。尙有一掬棉。當售以購餅餌。愛拉亭曰。不如售燈。所入當可敷一日食。比取燈出。見黝黑不潔。曰。拭之。或多得值。方沙水。

摩洗間突見一魔出地中偉軀而猶貌抗聲曰予此燈之奴也惟所求必當償願音若震雷然母驚絕愛拉亭已繼見不少怯曰食來轉瞬魔首承巨銀盤手酒罍二置槃及罍於案而杳視槃貯精饌十二器亦以銀餽六潔若雪時母已蘇愛拉亭請與同食母大異詢所自來曰母欲食當不減予姑先果腹

食時母詳察食器果爲銀質否嗜其器之精美不覺食已過量食餘尙足供數餐母取皮之愛拉亭述魔獻食狀母曰魔既見汝於地穴何不語汝而語予曰否此魔雖魁偉猶前而狀飾迥異況一稱奴於環一稱奴於燈可決其非一母曰先哲有言魔非善類予不願復與之見汝速屏此燈母使人驚恐欲死或竟售值并指環亦去之曰此燈奇珍也彼神巫不憚艱辛跋涉亦惟是之求彼謂得此可大富可罄地穴之所藏而有之今予等當收其成效留以供所需母若厭之當置別室至此環予實賴以得出雅不欲割棄之母曰然則汝其好爲之可也

未幾食盡愛拉亭攜銀槃出欲售以供食途次遇一猶太人出櫟示之猶太人狡黠